

Tur hende kier mira solucion real pa problema di adictonan ambulante...

Fundacion Adopt An Addict a haya sosten masal den caya grandi

ORANJESTAD - Tur hende cu a duna nan sosten na e voluntarionan di Adopt An Addict den caya grandi diasabra durante dia ta aplaudi e bon trabao cu e fundacion ta haciendo. Esey ta duna cada voluntario mas gana di sigui traha pa yuda e adictonan cu kier drecha nan bida. Diasabra cu algun buzón di Cruz Cora e fundacion cu ta adopta adicto representa cu polo y tambe pechi a cana den caya. Ademas di e sosten di bishitantenan den caya grandi tabata tin tambe un cantidad di comerciante cu a contribui cu algo den e buzón. Cada adicto ta costa e fundacion 7560 florin pa henter su tratamiento di 24 luna. Esaki ta inclui



tambe e pasashi, su pasaporte si e no tin y 100 dollar pa luna durante su estadia na Republica Dominicana na

Hogares Crea Dominicano. MAMBO a dedica su campaña specialmente na e fundacion Adopta an Addict local

tambe e fundacion ta hopi contento cune. Cada florin cu e comunidad contribui por yuda na trece un solucion pa e problema di adictonan. Asina cu un hende puntra den caya grandi pakico e contribucion ta, ora nan haya contesta e cartera ta habri sin problema y nan ta tira loke cu nan por. Pesey mes e fundacion Adopt an Addict ta gradici tur hende cu pa hopi tempo a sostene e fundacion y mescos otronan cu diasabra tabata yuda. Prome cu fin di aña e miembronan di e fundacion lo tey un biaha mas den caya grandi pa asina sigui busca e sosten cerca e comunidad cu hopi biaha ta esnan cu ta bira victima di tur e problema cu e adictonan ta causa.